

TROISIEME PARTIE

autre chose: ce qui fut merveille, qu'en telle froidure les pouvoient couvrir & escloire: parquoy est croyable qu'ils ne poudent qu'un seul œuf, a cause que la chaleur qu'ils tendent en couvant, a autant plus de force sur vn œuf, auquel toute la chaleur l'estêd, & ne se repartit sur plusieurs œufs ensemble. Et nous y trouvâmes aussi beaucoup d'œufs, mais la plus grand part furent corrompus. Quant nous sommes partis de ce lieu, le vent nous vint directement contraire, bravement soufflant du Nordouest; aussi la glace y estoit a foison, & fîmes grand travail a surmonter la glace, mais nous n'y pouvions parvenir. Finalement navigans en traversant ca & la, nous sommes entrez entre les glacôs: ou estans nous apperceumes grande ouverture vers la terre, & nous y sommes navigé. Le maistre navieur, qui estoit plus avant en la mer avec la barque, voyant que nous fûmes par mi la glace, doubtoit que nostre cas se portoit mal, & naviga en traversant ca & là hors de la glace: mais a la fin voyant nous naviger a voile, il pésoit bien que nous veîsses ouverture, vers ou nous navigames, comme estoit vray: parquoy il a aussi tourné, & vint vers nous, venant aussi tenant la terre apres de nous; ou nous trouvâmes bon port, préferué presque de tous les vents: & luy y vint environ deux heures apres nous. Nous y sommes aussi descendus en terre, ou nous trouvâmes aucuns œufs, & recueillâmes du bois pour faire du feu, & avons bouilly les oyseaux, que nous avions prins. Le vent estoit Nordouest & le temps ord & moiste.

23. de Juillet. Le 23. de Juillet, le temps estoit chargé de bruine, & obscur; & le vent Nord: de maniere qu'il nous fallut demourer au mesme Golphé ou port: & entre tant allarent aucuns des nostres a terre, pour chercher aucuns oyseaux, œufs, & des pietreues: mais ne trouvoient guere, sinon vne partie des pierrettes precieuses.

24. de Juillet. Le 24. iour, le temps estoit serain & cler, & le vent Nord: par quoy y demourâmes arrestez. Sur le midi avons prins la hauteur du Soleil par l'Astrolabe, lequel estoit eslevé dessus l'horizon 37. degrez 20. minutes. La declinaison

Pourraill comment les barques furent de rechef irainees par la glace ferme en leane, au costé Oriental de l'isle des Croix, & ainsi sommes sortis de la glace: & puis apres navigames par un brave vent de Nordest, & bon progres, vers Ouestsudouest, passans l'isle de l'Amirauté, Lom Bay & Capo Plancio, bien 60. lieues de chemin devant que aucune glace nous y encontra: mais alors sommes de rechef venus en la glace, quant nous cuidâmes de jamaïs y plus entrer.

